

TAREK LAKHRISSI FY ANFARWOL

3 GORFFENNAF - 19 MEDI 2021
ORIEL 2-5

Fy Anfarwol yw'r arddangosfa gyntaf o waith *Tarek Lakhrissi* ar ei ben ei hun mewn sefydliad yn y DU. Mae'r gweithiau newydd a gomisiynwyd yn cynnwys rhai blaenorol a newydd ar ffurf ffilm, cerflunwaith a thestun, wedi'u cyflwyno fel gosodwaith drwy ystafelloedd yr oriel. Mae gwaith Lakhrissi wedi'i seilio ar farddoniaeth ac yn ceisio herio lluniadau cyfoes o iaith a naratif sy'n ymwneud â chymunedau lleiafrifol⁽¹⁾.

Gan gymryd yn deitl y gân *Fy Anfarwol* o 2003 gan y grŵp pop Americanaidd *Evanescence*^(a), mae'r arddangosfa yn myfyrio ar y syniad o gymuned, yn enwedig cymuned queer⁽²⁾ sy'n cael ei gweld yn endid cymhleth, bregus a byrhoedlog. Ar y naill law, gall gynnig y posibilrwydd o gariad, grymuso ac amddiffyniad ac, ar y llaw arall, gall godi hunllefau ac ofnau. Mae cerdd y bardd Saesneg o'r 17 ganrif John Milton 'Coll Gwynfa'^(b) yn enghraifft o'r gwrthdymnu sy'n cael ei bortreadu yn yr arddangosfa: er bod y posibilrwydd o gymuned yn cynnig cysur paradwysaidd⁽³⁾, gellir ei cholli'n rhwydd hefyd oherwydd ei natur fregus.

Ar ddechrau'r arddangosfa mae'r ffilm *Celfyddyd Colli* (2021) yn dangos dau ffigwr yn cofleidio ei gilydd yn gariadus, gan agor y drws at weddill y gosodwaith. Mae placiau metel adlewyrchol, pob un wedi'i arysgrifio â cherddi newydd am ddyhead, colled a mytholegau personol a ysgrifennwyd gan Lakhrissi. Mae parhauster y cyfrwng metelaidd yn gwrthgyferbynnu â natur fregus a byrhoedlog y cariad cymunol sy'n destun i'r gweithiau eu hunain.

Mae'r gwrthdymnu hwn wedi'i ddwysáu gan ddau waith newydd a gosodwaith a oedd eisoes wedi'i lunio sydd wedi'u cyflwyno fel eu bod yn ymateb i'w gilydd yn y ddau ofod olaf yn yr oriel. Mae'r cyntaf, cerflun newydd ar ffurf dwy adain angel metelaidd, *Angel Hoyw I* a *Angel Hoyw II* (2021) yn talu teyrnged i'r myth Groegaidd am Icarws^(c) a fu farw ar ôl syrthio i'r ddaear pan doddodd ei adenydd wrth nesáu at yr haul.

Mae'r 'anghofeb'⁽⁴⁾ hon yn sefyll o flaen gosodwaith a oedd wedi'i lunio eisoes, *Brawddeg Anorffenedig II* (2020). Mae gwaywffyn metelaidd sydd wedi'u gwasgaru dros nenfwd yr oriel yn ffurfio cytser cosmig sy'n cyfeirio at nofel arloesol y llenor a gweithredydd ffeministaidd o Ffrainc Monique Wittig Les Guérillères^(d) (1969), sy'n disgrifio byddin o ryfelwragedd sy'n codi mewn gwrthryfelyn erbyn dynion. Mae'r gweithiau metelaidd yn sefyll mewn môr o olau porffor sy'n cyfeirio at y mudiad ffeministaidd milwriaethus^(e) yr oedd Wittig yn rhan ohono yn ogystal â *Lavender Menace*^(f), cydweithfa ffeministaidd⁽⁵⁾ lesbiaidd a sefydlwyd yn Efrog Newydd yn y 1970au.


Cyflwynir y ffigyrau llenyddol a ffeministaidd milwriaethus hanesyddol hyn fel eu bod yn ymateb i ddiwylliant poblogaidd cyfoes drwy waith sain sy'n treiddio drwy ofod yr oriel. Cyfansoddwyd y gwaith sain hwn gan yr artist a'r cydweithiwr agos *Ndayé Kouagou*. Mae'n benthyca o arwyddganeuon cyfresi teledu o'r 90au Buffy the Vampire Slayer^(g) a Xena: Warrior Princess^(h) i ffurfio tirwedd sain sy'n haniaethol, yn fygythiol ac yn fyfyrgar. Mae'r arddangosfa'n troi'n faes y gad, yn drosiad o syniadau am amddiffyn a hunanamddiffyn ac felly'n symbol o gariad a naratifau trawsffurfiol.

Felly yng nghanol anobaith, rydw i wedi dod i gredu mai cariad – y teimlad o gariad, gwleidyddiaeth cariad, moeseg ac ideoleg cariad a'r ymgorfforiad ohono – yw'r unig ddewis da yn y cyfnod apocalyptaidd hwn.

Kai Cheng Thom, *I Hope We Choose Love: A Trans Girl's Notes from the End of the World*, 2019

AM YR ARLUNYDD

Mae Tarek Lakhrissi yn fardd ac yn artist gweledol sydd wedi ymsefydlu ym Mharis (Ffrainc) a Brwsel (Gwlad Belg). Mae'n addysgu ar hyn o bryd yn Rhaglen Meistr Ymchwil CCC yn Adran y Celfyddydau Gweledol yn HEAD (Ysgol Celf a Dylunio Genefa). Arddangoswyd gwaith Lakhrissi mewn orielau a sefydliadau mewn sawl gwlad, yn cynnwys: Amgueddfa Celfyddyd Gyfoes, Biennale Sydney (2020); Wiels, Brwsel (2020); Palais de Tokyo, Paris (2020); Palazzo Re Rebaudengo/Sandretto, Guarene/Torino (2020); Quadriennale di Roma, Palazzo delle Esposizioni, Rhufain (2020); High Art, Paris (2020); Oriol Hayward, Llundain (2019); Auto Italia South East, Llundain (2019); Grand Palais, FIAC, Paris (2019); Fondation Lafayette Anticipations, Paris (2019); L'Espace Arlaud, Lausanne (2019); Zabriskie, Genefa (2019); Fondation Gulbenkian, Paris (2018); CRAC Alsace, Altkirch, Ffrainc (2019); Kim?, Riga (2018); Artex, Montreal (2017); Gaité Lyrique, Paris (2017); SMC/CAC, Vilnius (2017). Mae'n cael ei gynrychioli gan Oriol VITRINE (Llundain - Basel) ac mae wedi cyrraedd y rhestr fer am 22ain Wobr Fondation Pernod Ricard (2020-2021).



RHESTR O WEITHIAU

*Drwy gwrteisi'r Artist a VITRINE
Llundain/Basel.*

- | | |
|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>1) Celfyddyd Colli (<i>Golygfa</i>), 2021
Fideo un sianel manylder uwch,
1 munud 49 eiliad
Delweddau wedi'u cynhyrchu â
chyfrifiadur: Sybil Montet
Cyfansoddwr y gerddoriaeth:
Fatma Pneumonia
Cynhyrchwyd gan Maison
Populaire, Paris, Ffrainc</p> <p>2) Tabledi Metel
Engraved Aluminium
110 x 70 x 0.5cm</p> <p>2a. <i>I gusanu dy ben</i>, 2021
2b. <i>Neges i'r cefnogwyr II</i>, 2021
2c. <i>Lleuad gamweithredol</i>, 2021
2d. <i>Cartref</i>, 2021
2e. <i>Contract sanctaidd</i>, 2021
2f. <i>Ymasio</i>, 2021
2g. <i>Neges i'r cefnogwyr</i>, 2021</p> | <p>2h. <i>Efallai o bosibl</i>, 2021
2i. <i>Trahi Trahi</i>, 2021
2j. <i>Sibrwd cyfrinachau</i>, 2021</p> <p>3) Angel Hoyw I, 2021
Metel
180 x 80 x 80cm</p> <p>4) Angel Hoyw II, 2021
Metel
180 x 80 x 80cm</p> <p>5) Brawddeg Anorffenedig II, 2020
30 o waywffyn metel,
cadwyni, hidlydd lliw,
uchelseinyddion. Trac sain
drwy gydweithio â Ndayé
Kouagou.
Comisiynwyd gan Palais de
Tokyo, Paris (Ffrainc).</p> |
|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

GEIRFA

- 1) **Lleiafrifol (Minoritised)**
Term a fathwyd gan Yasmin Gunaratnum yn 2003. Mae'n disgrifio'r ffordd y mae'r grŵp cymdeithasol dominyddol mewn cymdeithas yn defnyddio iaith i ddiffinio neu gategoreiddio grŵp ethnig neu gymdeithasol arall, fel arfer mewn ffordd sy'n sefydlu gwahaniaeth mewn pŵer sy'n fuddiol i'r cyntaf.
- 2) **Queer/Cwiar**
Term a ddefnyddir i i ddisgrifio rhywedd neu leiafrif rhywiol. Defnyddiwyd yn wreiddiol fel sarhad, fe'i hadenillwyd gan y gymund LGBTQI+ ar ddiwedd yr Ganrif.
- 3) **Paradwysaidd**
Wedi'i fabwysiadu o'r gair Paradwys, a ddefnyddir yn aml i ddisgrifio lle neu wladwriaeth sy'n heddychlon, nefol a hardd.
- 4) **Anghofeb**
Yn cael ei alw hefyd yn wrth-gofa dail, hwn yw waith celf mewn man cyhoeddus sy'n gwrthwynebu symbolau pŵer presennol fel cerfluniau a phlaciau.
- 5) **Ffeministaidd**
Person sy'n eirol dros hawliau menywod a chydaddodeb rhywiol.

CYFEIRIADAU

- a) **My Immortal** (2003), Evanescence. NGR Recording Studios. Wedi'i rhyddhau trwy Wind-up Records.
- b) **Paradise Lost** (1667) John Milton. Argraffiad cyntaf wedi'i gyhoeddi gan Samuel Simmons.
- c) **Daedalus and Icarus**, The Oxford Companion to World Mythology (2005) David Leeming. Cyhoeddwyd gan Oxford University Press.
- d) **Les Guérillères** (1969), Monique Wittig. Cyhoeddwyd gan Les Éditions de Minuit.
- e) **Libération des femmes le M.L.F.** (1981), Naty Garcia Guadilla n. Cyhoeddwyd gan PUF.
- f) **Tales Of The Lavender Menace: A Memoir Of Liberation** (2000), Karla Ja, Cyhoeddwyd gan Perseus
- g) **Buffy the Vampire Slayer** (1997 - 2003), Mutant Enemy Productions. 20th Century Fox Television
- h) **Xena: Warrior Princess** (1995 - 2001), Renaissance Pictures. MCA TV (95-97), Universal (1997-98), Studio USA Television (1998-2001)

AMSEROEDD AGOR

ORIEL

Tue - Sun: 11:00 - 16:00

CAFFI

Tue - Sun: 11:00 - 16:00


SIOP

Tue - Sun: 11:00 - 16:00

Gyda chymorth gan:



Diolch i gefnogaeth reolaidd:



CYSWLLT

Cyfeiriad: MOSTYN, 12 Stryd Vaughan, Llandudno, LL30 1AB Cymru, UK

E-bost: post@mostyn.org

Ffôn: +44 (0)1492 879 201

FACEBOOK: [mostyngallery](#)

TWITTER: [mostyn_wales_](#)

INSTAGRAM: [mostyngallery](#)